

Zioen azalpena

Pasaiako Udalak 1991ean onartu zuen Euskararen Erabilera Normalizatzeko Udal Ordenantza. Hura garatzeko hainbat dirulaguntza onartu izan ditu geroztik, eta 2016an ikusi zuen beharrezkoa zela horiek guztiak ordenatzea eta bateratzea. 2018an eta 2020an ordenantzaren ondorengo aldaketak onartu ziren, dirulaguntza lerro berriak gehitzeko edo zeudenak moldatzeko:

- Langabetuei, Diru-sarrerak Bermatzeko Errenta (DBE) kobratzen dutenei, eta Giza Larrialditarako dirulaguntzaren bat jasotzen dutenei euskara ikasteko matrikulak ordaintzeko erraztasunak.
- Udalerriz gaindiko eremuetan euskara sustatzen dabiltzan erakundeentzako dirulaguntza lerroa.
- Euskara ikasten ari diren gurasoen dirulaguntzen oinarrietan zuzenketa.
- dirulaguntza lerro berria elkarte, merkataritza-ostalari eta enpresentzat euskarazko irudi korporatiboari, web guneari eta programa informatikoari aurre egiteko.

Oraingo honetan ere ordenantza zuzentzeko eta osatzeko beharra ikusi da eta hauek dira proposatutako aldaketa nagusiak:

- Euskara ikasteko dirulaguntzak emateko prozedura arautzen duten oinarrietan euskaltegi-taldeen lehenengo mailatan matrikulatzen direnei euskara ikasteko matrikulak ordaintzeko erraztasunak gehitu dira. Pasaiako Udalak, herritar guztien hizkuntza eskubidea bermatzeko helburuz, herritarren euskara ulermena lortzea lehentasunztat du. Honenbestez, ikasle tipologia horri erraztasunak eskainiko dizkio matrikula ordaintzeko. Zehazki, AOA0 edo A1A0 mailako ikasleei, matrikularen % 80 ordaintzeko erraztasunak eskainiko dizkio langabetuei eskaintzen dizkien modu berean.
- Pasaiako merkataritza establezimenduari eta enpresei errotuluak euskaraz jartzeagatik ematen zaizkien dirulaguntzetan aldaketak txertatu dira. Batetik, euskara hutsezko errotuluak lagunduko dira diruz orain arte bezala. Baina, aurretik zegoen erdarazko errotulua mantentzen bada, dirulaguntzaren erdia emango da. Bestetik, dirulaguntza emango zaie toldoetan, erakusleihoetan eta atarrietako plaketan jarritako errotuluei ere.
- Merkataritza establezimenduetako poltsak euskaraz errotulatzeagatik ematen zen dirulaguntza lerroa kendu da, eta poltsak irudi korporatiboa euskaraz jartzeagatik ematen den dirulaguntza lerroan txertatu dira.

Goiko lerroetan adierazi bezala, 2020ko ordenantza osatzeko beharrak bultzatu du Udala ordenantza aldatzera.

Azkenik, ez da beharrezkotzat jotzen administrazio-prozedura erkidearen oinarritzko legeriak ezarritako aurretiazko kontsultaren izapidea jarraitzea; izan ere, batetik, araudi-proposamen honek ez du eragin garrantzitsurik jardura ekonomikoan, eta ez die jasotzaileei betebeharrak garrantzitsurik ezartzen. Bestalde, aldaketa hau partziala denez, soilik alderdi partzialak arautzen ditu, eta ordenantza honek bete egin behar du Toki Araubidearen Oinarriak arautzen dituen 7/1985 Legearen 49. artikuluan arautzen den ordenantzaren onartzeko prozedura.

Jarraian, ordenantzaren testu osoa erantsen da, proposatutako aldaketak sartu ondoren.

1. artikulua. Xedea

Berriazko ordenantza honen xedea da Pasaiako euskara sustatzeko jardueretarako dirulaguntzak emateko oinarriak arautzea.

Dirulaguntzak honako atal hauetako baterako eskatu ahal izango dira:

- Euskara ikasteko eta hobetzeko.
- Hezitzaileen berriazko prestakuntza euskaraz egiteko.
- UEUko udako ikastaroetarako.
- Merkatariek errotuluak euskaraz jartzeko.
- Enpresek errotuluak euskaraz jartzeko, eta euskara-planak diseinatzeko eta haien jarraipena egiteko.
- Udalerriz gaindiko eremuetan euskara sustatzen dabilzan erakundeentzako dirulaguntzak.
- Kultur-, kirol-, aisialdi-talde, enpresa edo merkataritza zein ostalaritza establezimenduek irudi korporatiboak, webguneak, eta programa informatikoak euskaraz izateko.

2. artikulua. Onuradunak

Dirulaguntzen onuradunek, betiere, Pasaiako Udalaren dirulaguntzen Arautegiak jasotako baldintzak bete beharko dituzte, eta, horietaz gain, Foru Ogasun, Gizarte Segurantza eta Pasaiako Udalaren zergak eta ordainkizunak egunean dituztela egiaztatu.

Betekizun horiez gain, dirulaguntza mota bakoitzarentzat zehazten diren baldintzak egiaztatu beharko dituzte.

3. artikulua.- Dirulaguntzen prozedura eta kudeaketa

Aurrekontu-izendapena, finantziazioaren muga zein den, beste dirulaguntza batzuekin duten bateragarritasuna eta aldiberekotasuna, organo eskudunak zein diren, itzulketa eta zehapenetarako araubidea zein den; horiek guztiak indarrean den Pasaiako Udalaren dirulaguntzen Arautegian daude jasota, eta bertan jasotakoa bete beharko da, derrigorrez, dirulaguntza hauek jaso ahal izateko.

4. artikulua.- Bideratzea eta proposamena egitea

Eskaera aurkezten denean, hari Euskara Saileko arduradunaren txostena erantsiko zaio, eta Alkatezaren esku (edo horrek eskumena eskuordetu balu, organo eskuordetuaren esku) jarriko da dagokion proposamena, hark ebatz dezan.

Euskara Saileko arduradunak eskaerari erantsiko dion txostenean, eskaeran azaldutakoaren eta egiaztatutakoaren arabera, adieraziko du ea eskatzaileak dirulaguntza jasotzeko baldintza guztiak betetzen dituen, eta egindako eskaerari zein diru kopuru dagokion. Hori guztia, honako Ordenantza honek xedatuari jarraiki.

Espedientea aurreko paragrafoetan esanda bezala osatuta dagoenean, atal bakoitzean zehazten den moduan ebatziko da.

5. artikulua.- Xedea

Pasaiako Udalak, Pasaian euskararen erabilera normalizatzearen, helduen alfabetatze eta euskalduntzea sustatzea du helburu eta egitekoetako bat. Horregatik, euskara ikasteko eta hobetzeko dirulaguntzak emateko arauak finkatu ditu. Euskara ikasteko dirulaguntzen araudia Pasaiako Udal euskaltegian nahiz gainontzeko euskaltegietan ikasten ari diren pasaitarrei eta arautegiak onartzen dituen gainontzeko ikasleei aplikatuko zaie.

6.artikulua.- . *Diruz lagunduko diren ikastaroak*

HABEk homologatutako zentro eta euskaltegiek emandako euskalduntzeko eta alfabetatzeko ikastaro hauek lagunduko dira diruz:

-
- Modulazio ezberdineko ikastaroak
- Barnetegiak (matrikula eta egonaldi gastuak)
- Autoikaskuntza ikastaroak
- Udako ikastaroak, betiere HABEk homologatutakoak

7.artikulua.- *dirulaguntzen zenbatekoa*

a) Matrikularen % 100 ordainduko zaie:

-
- Ikasleei.
- Langabetuei, diru-sarrerak bermatzeko errenta (DBE) kobratzen dutenei, edo Gizarte Larrialdietarako dirulaguntzaren bat jasotzen dutenei.
- Merkatari eta enpresetako langileei.
- Hezitzaile eta entrenatzaileei.
- Gurasoei.

b) Matrikularen % 75 ordainduko zaie:

-
- Gainerako herritarrei

c) Garraiorako dirulaguntzak langabetuentzat:

Barrutian euskaltegirik ez, edota euskaltegia izan arren herritarrak behar duen mailan talderik sortu ez delako beste barruti bateko euskaltegira joan behar duen herritar langabetuari garraio gastuei aurre egiteko dirulaguntza emango zaio ikasturte bukaeran, baldin eta beka jasotzeko baldintza guztiak betetzen baditu, eta euskaltegiek ziurtagiri bidez baieztatzen badute herritarrari garraiorako dirulaguntza badagokiola.

dirulaguntza hauek jasoko dituzte egiten dituzten ikastaroen arabera:

- Ikasturte osoko eskoletan aritu diren ikasleek: 180 €.
- Hiru hilabeteko ikastaro trinkoetan aritu diren ikasleek: 60 €.

8.artikulua.- *dirulaguntza jasotzeko baldintzak*

- 16 urtetik gora izatea, matrikula egiten den datarako.
- Foru Ogasun, Gizarte Segurantzaren eta Pasaiako Udalaren zergak eta ordainkizunak egunean izatea.
- Merkatari eta enpresetako langileen kasuan, Pasaiako merkataritzaren establezimendu edo enpresa batean lanean egotea ikastaroa hasten den datarako.
- Hezitzaile eta entrenatzaileen kasuan, Pasaiako elkarteren batean hezitzaile edota

- entrenatzaile lanetan ibiltzea ikastaroa hasten den datarako.
- Gurasoen kasuan, Pasaian errolatuta egotea edo 0-12 urte bitarteko haurrak Pasaiako ikastetxeren batean matrikulatuta izatea ikastaroa hasten den datarako.
 - Gainerako herritarren kasuan, Pasaian errolatuta egotea ikastaroa hasten den datarako.
 - Nahitaezko dokumentazioa dagozkion epeen barruan aurkeztea.
 - Ikastaroa amaitzea, hurrengo puntuan adierazten diren salbuespenetan izan ezik.
 - Euskarazko ikastaroan gutxienez % 85eko asistentzia egiaztatzea.
 - Asistentzia zenbatzeko orduan ez dira hutsegitetzat hartuko ondoko kasuak:
 1. Ikasleren batek, lanean hasi, eta ordutegia dela-eta, ez badauka euskaltegiara etortzerik, baldin eta lanean hasi den enpresaren ziurtagiriaren bidez egiaztatzen badu (enpresaren zigilua beharrezkoa da).
 2. Gaixotasuna, baldin eta mediku-ziurtagiri ofizial bidez egiaztatzen badu eskoletara joateko ezintasun larria duela.
 3. Haurdunaldia, baldin eta mediku-txosten bidez egiaztatzen badu atsedean osoa hartu behar duela.
 - Irakasleak aldeko txostena egitea.
 - Euskaltegiak jarritako probak egitea.
 - Matrikula jasotzeko beste dirulaguntzarik ez jasotzea.
 - Ikastaroaren kostu osoa ordainduta izatea dagozkion epeetan.

Ondorengo baldintzak betez gero, matrikularen % 80 ordaintzeko erraztasunak eskatu ahal izango ditu ikasleak:

- Langabetuen, diru-sarrerak bermatzeko errenta (DBE) kobratzen dutenen, edo Gizarte Larrialdietarako dirulaguntzaren bat jasotzen dutenen kasuan.
- A0A0 edo A1A0 mailako ikasleek, Pasaiako Udalak, herritar guztien hizkuntza eskubidea bermatzeko helburuz, herritarren euskara ulermena lortzea lehentasuntzat jotzen duelako.

Matrikula ordaintzeko erraztasunak eskatzen dituzten ikasleen kasuan ikastaroaren ordainketa honela egin ahalko da:

1. Matrikularen % 80 aurreratuko zaio dirulaguntza eskatzaileari, eta horrek baimena emango dio Udalari endosu bidez dirulaguntza hori zuzenean euskaltegiari ordain diezaion. Ordainketa egiteko era hau aukeratu da dirulaguntza eskatu den helburu horretarako erabiliko dela ziurtatzeko.
- Matrikularen gainontzeko % 20a ikasleak ordaindu beharko du, eta ikasturte amaieran Udalak itzuliko dio, baldin eta ikastaroan zehar gutxienez % 85eko asistentzia eta aprobetxamendua justifikatzen baditu.

9. artikulua.- Asistentzia ez betetzearen ondorioak

Ikasturte hasieran beka eskatu bai, baina gutxienerako asistentzia bete ez dutenei Udalak aurreratutako matrikularen %80 itzultzeko eskatuko die. Diru-itzulketa irailaren 30a baino lehen egin beharko da, edo ezingo dute hurrengo 2 ikasturteetan bekarik eskatu.

Udalak aurreratutako diru-kopurua itzuliz gero, 2 urterako ezarritako beka eskatzeko debekua indargabetuko da.

10.artikulua.- Prozesua diruz laguntzeko modua

Udalak 10 urteko eperako dirulaguntza emango du. Prozesua lau zatitan banatuko da, eta zati

bakoitza jarraian azaldutako urteen buruan gainditu beharko da dirua jasotzeko:

- A1eta A2: 1-3 urratsak 2 urtetan
- B1: 4-6 urratsak 2 urtetan
- B2: 7-9 urratsak 3 urtetan
- C1: 10-12 edo EGA urratsak 3 urtetan

11.artikulua.- Aurkeztu beharreko dokumentazioa

- Eskabide orria, behar bezala beteta.
- NAren fotokopia.
- Dirulaguntzaren eskabidean eskatzaileak ez badio Udalari baimena ematen egiaztapenak ofizioz egiteko, Foru Ogasuneko zerga-betebeharrak eta Gizarte Segurantzako betebeharrak eguneratuta dituela egiaztatzen dituzten agiriak.
- Matrikularen ordainagiria edo endosoa.
- Euskaltegiaren txostena, ikaslearen aprobetxamendua (asistentzia) eta jarrera azaltzen dituen.
- Eskatzaile-motaren arabera, honako dokumentazioa ere aurkeztu beharko dute:
 - Langabezi egoeran daudenek, ikastaroa hasi dutenean langabezian daudela ziurtatzen duen Lanbideko ziurtagiria edo Gizarte Segurantzako bizitza-laboralaren txostena.
 - Diru-sarrerak Bermatzeko Errenta jasotzen badute, Lanbidek emandako ziurtagiria, ikastaroa hasi dutenean egoera horretan zeudela adierazten duena.
 - Gizarte Larrialdietarako Laguntza jasotzen badute, markatu matrikula-inprimakian berriaz gaitutako laukitxoa, Gizarte Zerbitzuetan kontsulta egiteko baimena emateko.
- Garraiorako dirulaguntza eskatzen dutenek euskaltegiaren ziurtagiria, herritarrari garraiorako dirulaguntza badagokiola baieztatzen duena.
- Ikasleek: ikasturteari dagokion ikasle txartela.
- Merkatari eta enpresetako langileek: lan egiten duten Pasaiako merkataritza establezimendu edota enpresaren agiria.
- Hezitzaile eta entrenatzaileek: lan egiten duten Pasaiako elkartearen agiria
- Gurasoek: haien seme-alabak matrikulatuta dauden ikastetxearen agiria.
- A0A0 edo A1A0 mailako ikasleek: euskaltegiaren agiria, zein urratsetan matrikulatu diren azaltzen duena.

12.artikulua.- Ordainketa

Ikastaroa amaitu, eta zerrendatutako agiriak aurkezten direnean bideratuko da dirulaguntza, salbu eta langabetuen, Diru-sarrerak Bermatzeko Errenta (DBE) kobratzen dutenen, Gizarte Larrialdietarako dirulaguntzaren bat jasotzen dutenen, edo A0A0 edo A1A0 mailako ikasleen kasuan endosu bidezko dirulaguntza eskatzen badute.

III. HEZITZAILEEN BERARIAZKO PRESTAKUNTZA EUSKARAZ EGITEKO dirulaguntzaK

13.artikulua.- Xedea

Elkarteak biziberritzeko ildoan parte hartzen duten elkarteetako begirale eta entrenatzaileentzat berariazko prestakuntza-ikastaroak euskaraz egiteko dirulaguntza lerroa irekitzea, euskaraz jardun behar duten begiraleek prestakuntza euskaraz jaso dezaten.

14.artikulua.- dirulaguntzen zenbatekoa

Matrikularen %100 diruz lagunduko da eta diru-itzulketa bi alditan egingo da; lehenengo %50a, ikastaro hasieran, eskaera eta ordainagiria aurkezten direnean eta bigarren %50a ikastaroa amaitu eta ezarri diren baldintzak bete dituztela egiaztatzen dutenean.

15.artikulua.- Bete beharreko baldintzak

- Ikastaroa euskaraz egitea.
- Eusko Jaurlaritzak homologatutako ikastaroa izatea.
- Ikastaroaren alderdi teorikoa zein praktikoa gainditzea.

16.artikulua.- Aurkeztu beharreko dokumentazioa

- Eskabide-orria, behar bezala beteta.
- Elkartearen ziurtagiria, Pasaia elkarteren bateko hezitzailea dela egiaztatzen duena.
- Ikastaroa egin duenaren Nortasun Agiria.
- Ikastegiaren ziurtagiria, eskatzaileak alderdi teorikoa eta praktikoa gainditu izana ziurtatzen duena; horrez gain, matrikularen zenbatekoa eta ikastaroaren homologazioa eta hizkuntzari buruzko xehetasunak ziurtatuko ditu.
- Ikastaroan banatzen den materiala eta praktikaldian egiten duten proiektua.
- Dirulaguntzaren eskabidean eskatzaileak ez badio Udalari baimena ematen egiaztapenak ofizioz egiteko, Foru Ogasuneko zerga-betebeharrak eguneratuta dituela egiaztatzen duen agiria.

IV. UEUK ANTOLATUTAKO UDAKO IKASTAROAK EGITEKO dirulaguntzak

17.artikulua.- Xedea

Pasaiako Udalak Udako Euskal Unibertsitateak urtero antolatzen dituen ikastaroetan parte hartu nahi duten herritarrei matrikula ordaintzen laguntzeko dirulaguntza hauek eskainiko dizkie.

18.artikulua.- Dirulaguntzaren zenbatekoa

- Ikasle eta langabetuei: matrikula eta egoitza gastuen %75 ordainduko die Udalak.
- Bestelakoei: Udalak matrikula eta egoitza gastuen %50 ordainduko die.

19.artikulua.- Onuradunak eta betebeharreko baldintzak

- Pasaian erroldatua egotea
- %100eko asistentzia

20.artikulua.- Aurkeztu beharreko dokumentazioa

- Eskabide-orria, behar bezala beteta.
- Nortasun agiria.
- Matrikula-orria.
- Matrikularen ordainagiria.
- UEUK egindako ziurtagiria
- Dirulaguntzaren eskabidean eskatzaileak ez badio Udalari baimena ematen egiaztapenak ofizioz egiteko, Foru Ogasuneko zerga-betebeharrak eguneratuta dituela egiaztatzen duen agiria.

Hori guztia aurkezteko, ikastaroa bukatzen denetik **hilabeteko** epea izango dute.

V. ERROTULUAK EUSKARAZ JARTZEKO dirulaguntzak

21.artikulua.- Xedea

Pasaian euskararen erabilera normaltzeko Udal Ordenantzaren 49. artikulua merkataritza arlorako jasotzen duen dirulaguntza sistema zehazteko, errotulazio atalari dagokionez, dirulaguntza hauek eskainiko ditu Pasaiaiko Udalak:

22.artikulua.- Dirulaguntzaren zenbatekoa

- Merkataritza establezimenduei kostuaren % 40 ordainduko die udalak, 300 €-raino establezimenduaren kanpoan erdarazko errotulazio elementurik ez badute.
- Merkataritza establezimenduaren kanpoaldean aurretik jarritako erdarazko errotulazio zaharra mantentzen bada, kostuaren %20 ordainduko die udalak, 150 €-raino
- Gainerako enpresei kostuaren % 30 ordainduko die udalak, 600 €-raino eraikinaren kanpoan erdarazko errotulazio elementurik ez badute.
- Enpresaren kanpoaldean aurretik jarritako erdarazko errotulazio zaharra mantentzen bada, kostuaren %15 ordainduko die udalak, 300 €-raino

Dirulaguntza elementu hauei dagokie:

- Kanpoko errotuluei.
- Toldoei, errotulu funtzioa egiten badute.
- Erakusleihoetako errotulazioari.
- Atarien ondoko profesionalen plakei.

Jarduera ekonomikoa duten eskatzaileen kasuan BEZagatik ordaindutako zenbatekoa ez da diruz lagunduko

23.artikulua.- Onuradunak eta betebeharreko baldintzak

- Enpresa edo merkataritza-establezimendua Pasaiaiko udalerrian kokatua egotea.
- Establezimendu berriei eta errotulua aldatu nahi duten zaharrei emango zaie.
- Errotulua euskaraz jartzea.
- Euskarazko testua zuzen idatzita jartzea; hori egiaztatzeko Euskara Sailak gainbegiratu du.
- Errotuluan establezimenduaren edo enpresaren izen berezia soilik agertzen bada, ez da dirulaguntzarik jasoko.
- Errotulua jarri ahal izateko, beharrezkoa izango da udalak jarduera-baimena emana izatea.
- Udalarekiko betebeharrak (lizentziak, zergak) egunean izatea.

24.artikulua.- Aurkeztu beharreko dokumentazioa

- Eskabide-orria, behar bezala beteta.
- Nortasun agiria edo enpresaren IFZ agiria.
- Errotuluaren jatorrizko faktura.
- Errotuluaren argazkia.
- Dirulaguntzaren eskabidean eskatzaileak ez badio Udalarai baimena ematen egiaztapenak ofizios egiteko, Foru Ogasuneko zerga-betebeharrak eta Gizarte Segurantzako betebeharrak eguneratuta dituela egiaztatzen dituzten agiriak.

VI. ENPRESEK EUSKARA PLANAK DISEINATZEKO ETA HAIEN JARRAIPENA EGITEKO dirulaguntzak

25.artikulua.- Dirulaguntzaren zenbatekoa

- Euskara-plana diseinatzeko eta haren jarraipena egiteko aholkularitza teknikoa. Udalak gehienez ere kostuaren % 50 hartuko du bere gain beste erakundeek ematen dituzten dirulaguntzak osatzeko, eta enpresak beste erdia ordaindu beharko du.
- Eusko Jaurlaritzak euskara-planetarako ematen dituen dirulaguntzen izapideak egiteko aholkularitza teknikoa.
- Jarduera ekonomikoa duten eskatzaileen kasuan BEZagatik ordaindutako zenbatekoa ez da diruz lagunduko

26.artikulua.- Onuradunak eta betebeharreko baldintzak

- Enpresa Pasaiako udalerrian kokatua egotea.
- Udalarekiko betebeharrak (lizentziak, zergak) egunean izatea.

27. artikulua.- Aurkeztu beharreko dokumentazioa

- Eskabide-orria, behar bezala beteta.
- Enpresaren IFZ agiria.
- Dirulaguntzaren eskabidean eskatzaileak ez badio Udalari baimena ematen egiaztapenak ofizioz egiteko, Foru Ogasuneko zerga-betebeharrak eta Gizarte Segurantzako betebeharrak eguneratuta dituela egiaztatzen dituzten agiriak.
- Aholkularitza teknikoa eskaintzen duen enpresaren faktura

VII. UDALERRIZ GAINDIKO EREMUETAN EUSKARA SUSTATZEN DABILTZAN ERAKUNDEENTZAKO dirulaguntzak

28.artikulua.- Xedea

Pasaiako Udalak udalerriz gaindiko eremuetan euskara sustatzen dabilten erakundeei euskararen normalizazioan eragiten duten esparruak lantzeko dirulaguntza hauek eskainiko dizkie.

29.artikulua.- Dirulaguntzaren zenbatekoa

Udalak urtero zehaztuko du banatuko den dirulaguntzaren zenbatekoa. Onartutako eskaera bakoitzari ordenantza honetako 35. artikuluko puntuazio sistemaren bidez lortutako puntuen baitako dirulaguntza emango zaio.

30.artikulua.- Onuradunak eta bete beharreko baldintzak

- Udalerriz gaindiko eremuetan euskara sustatzea.
- Euskararen normalizazioan eragiten duten esparruak lantzea.
- Eskabidea ekainaren 30a baino lehen aurkeztea.

31.artikulua.- Aurkeztu beharreko dokumentazioa

- Eskaera gutuna edo txostena.
- Foru Ogasuneko zerga-betebeharrak eta Gizarte Segurantzako betebeharrak eguneratuta dituela egiaztatzen dituzten agiriak.
- Zinpeko aitortpena. Bakarrik edo beste dirulaguntza, laguntza, diru-sarrera edo baliabide batzuekin batera, dirulaguntzaren zenbatekoak diruz lagundutako jardueraren kostua gainditzen EZ duela egiaztatzen duena.

32.artikulua. - Puntuazio sistema

- Urteko egitasmo guztiei emateko dagoen diru-kopuru guztia eta ebaluazioaren arabera erakundeek lortutako puntu guztien zatiketa egin eta eragiketa horrek puntu baten balore ekonomikoa emango du.
- Puntu batetik ateratzen den balore ekonomikoa bider erakundeek lortzen dituzten puntuek zehaztuko dute eman beharreko dirulaguntzaren kopurua.
- Baloraziorako adierazleen datuak EUSTATetik, Nafarroako Estatistika Erakundetik eta Gaindegiaetik lortuko dira. dirulaguntza ematen den urtean argitaratuta dauden azken datuak erabiliko dira baloraziorako.
- Baloraziorako adierazleak eta horien puntuazioa honako hauek dira:

a) Erakundearen eragin eremuko egoera soziolinguistikoa

Biztanleriaren artean dauden euskaldunen (euskaldunak + ia euskaldunak/2) ehunekoa.

- % 0-30,9: 100 puntu
- % 31-40,9: 50 puntu
- % 41-60,9: 20 puntu
- % 61-70,9: 10 puntu
- % 71-100: 5 puntu

b) Erakundearen eragin eremuko biztanle kopurua

2.500.000 edo gehiago	80 puntu
1.000.000tik 2.499.999ra bitarte	60 puntu
500.000-999.999ra bitarte	40 puntu
0-499.999ra bitarte	20 puntu

c) Dagokion eremu administratiboko hizkuntza legediaren garapena

Proiektua	Puntuak
Ez dago legedirik	100
Legedia partziala dago	50
Legedia badago	0

d) Proiektuaren memoria aurkeztu izana

Proiektua	Puntuak
Aurkeztu du eta osatua da	50
Aurkeztu du, baina eskasa da	10
Ez du proiekturik aurkeztu	0

VIII. EUSKARAZKO IRUDI KORPORATIBOEI, WEB GUNEEI ETA PROGRAMA INFORMATIKOEI dirulaguntzak

33.artikulua.- Onuradunak

Pasaiako kultur-, kirol-, aisialdi-talde, enpresa edo merkataritza zein ostalaritza establezimenduentzat.

34.artikulua.- Bete beharreko baldintzak

Irudi korporatiboak

Euskaraz jarritako irudi korporatiboaren elementu bakoitzeko kostuaren % 50 izango da diru laguntza, baina, kontzeptu honengatik ematen diren diru laguntzen baturak ezingo du 350,00 euroko muga gainditu.

Diruz lagunduko diren elementuak: ibilgailuetako errotulazioa, lanerako arropa, **poltsak**, biltzeko papera, gutun-azalak, orri idazpurudunak, bisita-txartelak, taloitegiak, albaranak, fakturak, etab.

Webguneak

Euskara hutsezko webgunea izatea, edota ele bietako edo ele anitza izanda, euskarazkoari lehentasuna ematea / euskarazkoari, gutxienez, beste hizkuntzetan eman zaion adinako tratamendua ematea. Domeinuan sartzerakoan euskara izango da lehenetsitako hizkuntza, euskara izango da pantailaratzen lehena, %50 gehienez 450 €.

Ele bietako edo ele anitza izanda, euskarazkoari, gutxienez, beste hizkuntzetan eman zaion adinako tratamendua emanda, baina, lehen orrian euskarazkoa lehenetsi gabe, %30, gehienez ere 300€.

Programa informatikoak

Euskarazko programa informatikoak erosteko, jarduera komertziala bideratzeko lagungarri direnak, enpresaren euskararen erabilera normalizatzen lagun dezaketenak: kostuaren %50, gehienez ere 200 €.

Jarduera ekonomikoa duten eskatzaileen kasuan BEZagatik ordaindutako zenbatekoa ez da diruz lagunduko

35.artikulua.- Aurkeztu beharreko dokumentazioa

- **Dirulaguntza eskaera**
- **Dirulaguntzaren eskabidean eskatzaileak ez badio ematen Udalari egiaztapen hauek ofizioz egiteko baimena, Foru Ogasuneko zerga betebeharrak eta Gizarte Segurantzako betebeharrak eguneratuta dituela egiaztatzen dituzten agiriak.**
- **Faktura.**
- **Irudi korporatiboaren, webgunearen edo programa informatikoaren argazkiak.**
- **Diruz lagundu daitezkeen gastuen zerrenda horretan BEZagatik ordaindutako zenbatekoa sartuz gero, dirulaguntzaren onuradunaren legezko ordezkariak sinatutako aitortpena, ordaindu den BEZa kengarria ez dela ziurtatzen duena, entitate onuraduna ez dagoelako behartuta zerga horren aitortpena egitera.**

Xedapen gehigarri bakarra

Ordenantza honen garapenerako egoki eta beharrezko diren erabakiak hartuko dituzte, aldian-aldian, horretarako aginpidea duten udal organoek. Hori horrela, euskararen erabilera sustatzeko xedez, berriazko egitasmoak jarriko ditu martxan Udalak. Egitasmo horietako bakoitzak arau eta baldintza bereziak izango ditu, nahiz eta betiere Ordenantza honen ildotik ezarriak izan.

Xedapen iragankorra

Ordenantza honetan ezarritakoa ez zaio aplikagarri izango berau indarrean sartu aurretik deitu edota ematen diren dirulaguntzei.

Xedapen indargabetzailea

Ordenantza hau indarrean jartzen denean, indargabetuta eta ondoriorik gabe geldituko dira aurretik jarduera beretarako onartuak izan diren dirulaguntzen oinarriak.

Azken xedapena

Ordenantza hau Toki Araubidearen Oinarrian Arautzen dituen apirilaren 2ko 7/1985 Legearen 70.2 artikuluan xedatutakoaren arabera sartuko da indarrean, eta indarrean egongo da Udalak hori aldatzea edo indargabetzea erabaki bitartean.